



অবিলম্বে প্রকাশের উদ্দেশ্যে: 8/24/2022

গভর্নর ক্যাথি হোকল

নিউ ইয়র্ক স্টেটের মেলা প্রাঙ্গণগুলোতে কৃষি ফ্যাসিলিটিগুলোর উন্নয়নের জন্য গভর্নর হোকলের 34.7 মিলিয়ন ডলারের প্রকল্পের নির্মাণকাজ চালুর ঘোষণা

এই প্রকল্পে নিউ ইয়র্কের কৃষির প্রচারের জন্য নতুন সর্বাধুনিক গ্রিনহাউজ নির্মাণ অন্তর্ভুক্ত রয়েছে

স্টেটের বৃহত্তম উৎসবের আপগ্রেড অব্যাহত রাখতে নতুন গোলাঘর, কনসেশন স্ট্যান্ড নির্মাণ করা হবে

2022 সালের গ্রেট নিউ ইয়র্ক স্টেট ফেয়ার শুরুর সময়ে এই নির্মাণকাজ শুরু হচ্ছে, যা মেলাটির পুরোপুরি ফিরে আসাকে নির্দেশ করে

স্টেটজুড়ে কাউন্টি পর্যায়ের মেলাগুলোতে কৃষিজ ও অর্থনৈতিক উন্নয়ন এগিয়ে নেওয়ার জন্য অংশীদারিত্বের ব্যাপারে আলোকপাত করা হচ্ছে

জাতীয় 4-H কাউন্সিল গভর্নর হোকলের প্রতি সম্মান জানিয়ে তাকে 4-H বিশেষ অ্যালামনাই মেডালিয়ন প্রদান করেছে

গভর্নর ক্যাথি হোকল আজ সিরাকিউসের মেলা প্রাঙ্গণগুলোতে কৃষি ফ্যাসিলিটিগুলোর উন্নয়নের জন্য, নিউ ইয়র্ক স্টেটের মেলা প্রাঙ্গণগুলো উন্নয়নের চতুর্থ ধাপে, 34.7 মিলিয়ন ডলারের একটি প্রকল্পের নির্মাণকাজ শুরু হওয়ার কথা ঘোষণা করেছেন। গভর্নর হোকল 2022 সালের গ্রেট নিউ ইয়র্ক স্টেট ফেয়ার চালু হওয়া এবং পুরোপুরি ফিরে আসা উদযাপন করার জন্য একটি অনুষ্ঠানে ফিতা কেটে উদ্বোধন করেন। ইতোমধ্যে কাজ শুরু হয়ে যাওয়া এবং 2025 সালের মধ্যে সমাপ্ত হতে যাওয়া এই প্রকল্পের একটি উল্লেখযোগ্য অংশ হচ্ছে 1.5 একর জায়গা নিয়ে অবস্থিত একটি গ্রিনহাউজ, যা এক্সপোজিশন সেন্টারের কাছাকাছি অবস্থিত হবে। এছাড়াও এই প্রকল্পে ছাগল রাখার জন্য একটি নতুন প্রদর্শনীর স্থান, একটি নতুন ভেড়ার খোয়াড় ও উল সেন্টার, একটি নতুন ঘোড়ার খোয়াড়, একটি নতুন কনসেশন স্ট্যান্ড, রেস্টুরেন্ট রো-এর স্ট্রিটস্কেপ উন্নয়ন, মেলার স্থায়ী কনসেশন ভবনগুলোর সড়কের উন্নয়ন, এবং বিভিন্ন অবকাঠামোগত উন্নয়ন অন্তর্ভুক্ত রয়েছে।

"এবছর আমাদের নিউ ইয়র্ক স্টেট মেলা পুরোপুরিভাবে ফিরে আসা উদযাপন করতে পেরে আমি অত্যন্ত আনন্দিত, এবং আজ গ্রেট নিউ ইয়র্ক স্টেট ফেয়ারকে আরো চমৎকার করে তুলতে সাহায্য করবে এমন প্রায় 35 মিলিয়ন ডলারের উন্নয়ন কাজ শুরু করতে পেরে আমি উচ্ছসিত," বলেছেন গভর্নর হোকল। "আজ আমরা যেসব উন্নয়নকাজের সূচনা করতে যাচ্ছি সেগুলো নিউ ইয়র্কের অনন্য কৃষি শিল্পকে মানুষের সামনে তুলে ধরবে এবং এর প্রসার ঘটাবে, যেহেতু প্রতি বছর এই মেলায় দেশের বিভিন্ন স্থান থেকে হাজার হাজার দর্শনার্থীদের আমরা আকৃষ্ট করে চলেছি।"

মেলা শুরু হওয়ার ঐতিহ্যবাহী দিন, গভর্নর'স ডে-তে গভর্নর হোকল এই ঘোষণা দিয়েছেন। এছাড়াও তাকে 4-H বিশেষ অ্যালামনাই মেডালিয়ন প্রদান করা হয়েছে, যেটি 4-H এর জীবন পরিবর্তনকারী প্রভাব বাস্তবায়নকারী যোগ্য অ্যালামনাইকে প্রদত্ত একটি সম্মান। গভর্নর হোকল, যিনি তার শৈশবকাল জুড়ে কর্নেল কোঅপারেটিভ এক্সটেনশনের 4-H কর্মসূচিতে অংশগ্রহণ করেছিলেন, স্বপদে বহাল থাকা প্রথম গভর্নর হিসেবে এই পুরস্কার অর্জন করেছেন।

নিউ ইয়র্ক স্টেটের মেলা প্রাঙ্গণগুলোতে কৃষি ফ্যাসিলিটিসমূহের উন্নয়নের জন্য 34.7 মিলিয়ন ডলারের প্রকল্পটির মধ্যে রয়েছে:

গ্রিনহাউজ ও হটিকালচার শিক্ষা কেন্দ্র

দেড় থেকে দুই একর জায়গা নিয়ে অবস্থিত গ্রিনহাউজটির নির্মাণকাজ সম্পন্ন হয়ে গেলে সেটি একটি সর্বাধুনিক কাঁচ নির্মিত কাঠামোর ফ্যাসিলিটিতে পরিণত হবে, যেটি সোলার প্যানেল ব্যবহার করে পরিচালনা করা হবে এবং যেখানে বৃষ্টির পানি সংগ্রহের জন্য ফিলট্রেশন সিস্টেম থাকবে। এটি নিউ ইয়র্কের স্থানীয় পণ্যগুলো অন-সাইটে উৎপাদন করা এবং মেলা চলাকালীন সময়ে খাবার ও ফুল সরবরাহ করার সুযোগ করে দেবে। গ্রিনহাউজটি একটি শিক্ষা কেন্দ্র হিসেবেও ব্যবহৃত হবে, যেখানে শিক্ষার্থীদের জন্য একটি শ্রেণিকক্ষের জায়গা রাখা হবে এবং তরুণ ব্যক্তিদের জন্য কৃষি সংক্রান্ত প্রদর্শনীতে অংশগ্রহণ করার সুযোগ থাকবে।

ভেড়ার খোয়াড় ও উল সেন্টার

15,000 বর্গফুট জায়গা নিয়ে অবস্থিত ভেড়ার খোয়াড়টি ভেঙ্গে পড়া একটি পুরোনো ও ক্ষতিগ্রস্ত কাঠামোকে প্রতিস্থাপন করছে। গত দুই বছর ধরে ভেড়া প্রদর্শনের জন্য একটি তাঁবু ব্যবহার করা হয়েছে। উল সেন্টারটি স্বচ্ছাসেবক কর্মীদের দ্বারা পরিচালিত হবে যারা জনসাধারণকে উলের পণ্য এবং সেগুলোর ব্যবহার সম্পর্কে জানাবেন। ভেড়ার খোয়াড়ের মধ্যে একটি নতুন সেন্টার থাকবে, যা প্রথম বারের মতো দুইটি বিষয়কে এক ছাদের নিচে নিয়ে আসবে। এই নতুন ভবনটি 2024 সালের মেলার সময় চালু হবে।

ঘোড়ার আস্তাবল

মেলার বিদ্যমান, পুরোনো আস্তাবলগুলোর সম্পূরক হিসেবে 9,000 বর্গফুট আয়তনের তিনটি আস্তাবল নির্মাণ করা হবে। মেলা প্রাঙ্গণগুলোতে বসন্তকাল, গ্রীষ্মকাল ও শরতকালে প্রায় প্রতি সপ্তাহে ঘোড়ার প্রদর্শনী আয়োজন করা হয় এবং আস্তাবলগুলো প্রতিনিয়ত ব্যবহৃত হতে থাকে। এগুলো 2024 সালের মেলার সময়ে চালু হবে বলে প্রত্যাশা করা হচ্ছে।

ছাগলের প্যাভিলিয়ন

2,500 বর্গফুট জায়গা নিয়ে অবস্থিত ছাগলের প্যাভিলিয়ন এখন সৌরবিদ্যুৎ দিয়ে পরিচালিত হবে এবং অস্থায়ী ফ্যাসিলিটিগুলোকে প্রতিস্থাপন করে ছাগল নিয়ে প্রদর্শনীর আয়োজনের জন্য একটি উন্মুক্ত স্থান হিসেবে কাজ করবে। এটি 2023 সালে চালু হবে।

কনসেশন ভবন এবং রেস্টুরেন্ট রো স্ট্রিটস্কেপের উন্নয়ন

মেলা প্রাঙ্গণে কায়ুগা এভিনিউ সংলগ্ন জায়গায় 1,600 বর্গফুট বিশিষ্ট একটি কনসেশন স্ট্যান্ড নির্মাণ করা হবে, যেটি হবে কয়েক দশকের মধ্যে নির্মিত এধরনের নতুন স্ট্যান্ড। এটি টুলি'স গুড টাইমস (Tully's Good Times) নামক একটি ভেটেরান আঞ্চলিক রেস্টোরাঁ এবং মেলার দীর্ঘদিনের জনপ্রিয় ভেভরের ঠিকানা হিসেবে কাজ করবে। মেলার অপর স্থায়ী স্ট্যান্ড, রেস্টুরেন্ট রো এর অংশেও উন্নয়নের কাজ করা হবে। নতুন বাতি লাগানো হবে এবং ল্যান্ডস্কেপিং করা হবে এবং সেইসাথে নির্বাচিত ভেভরের স্থানগুলোর উন্নয়ন করা হবে।

এসব উন্নয়ন 2015 সাল থেকে চলমান 125 মিলিয়ন ডলারের সংস্কার ও নতুন নির্মাণকাজের সঙ্গে যোগ হচ্ছে, যা 80 বছরেরও বেশি সময়ের মধ্যে 132 বছরের পুরোনো মেলা প্রাঙ্গণগুলোতে প্রথম উল্লেখযোগ্য বিনিয়োগ হয়ে থাকবে। উন্নয়ন কাজগুলোর জন্য স্থান করে দিতে পুরোনো হয়ে যাওয়া একটি গ্র্যান্ডস্ট্যান্ড এবং যথাযথভাবে ব্যবহার না হওয়া রেসট্র্যাক ভেঙ্গে ফেলা হয়েছে, যেসব উন্নয়ন কাজের মধ্যে রয়েছে একটি ফুল-সার্ভিস RV পার্ক যা বছরব্যাপী অনুষ্ঠানসমূহ আয়োজন করতে সহায়তা করবে এবং জাতীয়-পর্যায়ের অনুষ্ঠানসমূহ আকৃষ্ট করতে সাহায্য করবে, হেভি-ডিউটি ভিত্তির উপর নির্মিত একটি মিডওয়ে যা হোঁচট খেয়ে পড়ে যাওয়ার বিপদ সৃষ্টিকারী মাটির উপরের ওয়ারিং এর প্রয়োজন কমিয়ে দিয়েছে, কর্মসূচি আয়োজন ও পার্কিং এর জন্য নতুন আউটডোর স্থান এবং 110,000 বর্গফুট আয়তনের এক্সপোজিশন সেন্টার, যা নিউ ইয়র্ক সিটির উত্তর বস্টন ও ক্লিভল্যান্ডের মাঝখানে অবস্থিত সবচেয়ে বড় উন্মুক্ত স্থান।

অন্যান্য উন্নয়ন কাজের মধ্যে একটি নতুন প্রধান প্রবেশপথ নির্মাণ, মেলার সর্ববৃহৎ পার্কিং লটের পেভমেন্ট বাঁধানো এবং সংলগ্ন ইন্টারস্টেট হাইওয়ে পর্যন্ত একটি নতুন প্রবেশপথের র্যা ম্প নির্মাণ অন্তর্ভুক্ত রয়েছে। মেলার বিনোদনের ভেন্যুসমূহের মধ্যে কয়েকটির উন্নয়ন করা হয়েছে, অন্যদিকে রাস্তাগুলো সোজা করা হয়েছে এবং আলোকসজ্জার ও নৈসর্গিক উন্নয়ন সাধন করা হয়েছে।

নতুন উন্নয়ন প্রকল্পগুলো ঘোষণা করার পাশাপাশি, গভর্নর 2022 সালে কাউন্টি পর্যায়ের মেলাগুলোর মধ্যে বৃহত্তর সমন্বয় সাধন সহজতর করতে তার [2021 সালের সেপ্টেম্বরে](#) ঘোষণা করা পরিকল্পনার অগ্রগতির কথা তুলে ধরেছেন। স্টেটের 2022 সালের মেলার মৌসুম শুরু হতে যাওয়ার এই সময়ে গভর্নর কৃষি ও বাজার বিভাগকে (Department of Agriculture and Markets) নিউ ইয়র্কের সব মেলার জন্য সহায়তা, প্রবৃদ্ধি, ও পুনরুজ্জীবিতকরণের সুযোগসমূহ মূল্যায়ন করার নির্দেশ দিয়েছিলেন। সেইসাথে উক্ত ঘোষণায় কাউন্টি পর্যায়ের মেলাগুলোর বিপণন ও প্রচারণা বৃদ্ধির পাশাপাশি স্টেট ফেয়ার সহ স্টেটজুড়ে আয়োজিত সব মেলায় তরুণ ও কৃষি বিষয়ক কর্মসূচির উদ্যোগ গ্রহণের সুযোগ বৃদ্ধির উপায়সমূহ মূল্যায়নের জন্য তাদের সঙ্গে কাজ করার দায়িত্বও অর্পণ করা হয়েছিল। এবছরব্যাপী বিভাগটি কাউন্টি পর্যায়ের মেলা

কর্তৃপক্ষগুলোর সঙ্গে সক্রিয়ভাবে কাজ করে এসেছে, যার মধ্যে একটি শক্তিশালী বিপণন ও প্রচার কর্মসূচি গড়ে তোলা, সামাজিক যোগাযোগ মাধ্যম সহ বিভিন্ন যোগাযোগ মাধ্যমে মেলা সম্পর্কে প্রচারণা চালানোর জন্য NYS অ্যাসোসিয়েশন অব এগ্রিকালচারাল ফেয়ার্স (NYS Association of Agricultural Fairs)-এর সঙ্গে কাজ করা অন্তর্ভুক্ত রয়েছে, এবং কাউন্টি পর্যায়ের মেলাগুলোতে ও নিউ ইয়র্ক স্টেট ফেয়ারে কৃষি প্রতিযোগিতা বৃদ্ধি এবং এর প্রচারণার জন্য বাড়তি সুযোগগুলো শনাক্ত করতে অফ-সিজনে একটি গোলটেবিল আলোচনা আয়োজন করবে।

নিউ ইয়র্ক স্টেটের কৃষি কমিশনার রিচার্ড এ. বল বলেন, "যেসব বিষয় গ্রেট নিউ ইয়র্ক স্টেট ফেয়ারকে দেশের মধ্যে সেরা মেলায় পরিণত করেছে সেগুলোর তালিকা বেশ দীর্ঘ— চমৎকার বিনোদন ও রাইড, দারুণ খাবার ও মেলাপ্রেমী দর্শনার্থী, কিন্তু কৃষির ব্যাপারে এই মেলার অব্যাহতভাবে জোর দেওয়াই এটিকে অন্যগুলির চেয়ে আলাদা করে তুলেছে। গভর্নর হোকল দীর্ঘ সময় ধরে এখানে নিউ ইয়র্ক স্টেটে আমাদের কৃষিজ কমিউনিটিগুলোকে সহায়তা করার জন্য অঙ্গীকারাবদ্ধ রয়েছেন, এবং মেলায় গমনকারীদের সাথে আমাদের গল্পগুলো শেয়ার করার জন্য এসব চমৎকার নতুন প্রকল্পের মধ্য দিয়ে নিউ ইয়র্ক স্টেট ফেয়ারে কৃষি খাতের উপর আলোকপাত করার চেয়ে ভালো কোনো উপায়ের কথা আমি ভাবতে পারছি না। নতুন ভেড়ার খোয়াড় ও উল সেন্টার, ছাগলের প্যাভিলিয়ন, ঘোড়ার আস্তাবল, এবং একটি নতুন সর্বাধুনিক গ্রিনহাউজ নির্মাণের মধ্য দিয়ে আমরা এই শিল্পের ভবিষ্যতের জন্য বিনিয়োগ করছি এবং আমাদের মেলায় গমনকারীদেরকে নিউ ইয়র্ক স্টেটের কৃষি সম্পর্কে প্রত্যক্ষ জ্ঞান অর্জন করতে আমন্ত্রণ জানাচ্ছি।"

নিউ ইয়র্ক স্টেট ফেয়ারের অন্তর্বর্তীকালীন ডিরেক্টর সিয়ান হেনেসি বলেন, "গ্রেট নিউ ইয়র্ক স্টেট ফেয়ারের জন্য এটি উদ্দীপনাপূর্ণ একটি সময়! 1841 সাল থেকে এই মেলা নিউ ইয়র্কের কৃষি ও খামার শিল্পের সেরা বিষয়গুলো প্রদর্শনের জন্য পরিচিত হয়ে আছে। এখন, গভর্নরের বিনিয়োগ এবং কমিশনারের অঙ্গীকারাবদ্ধতার কল্যাণে, আমাদের ভেড়ার খোয়াড় ও উল সেন্টার, ঘোড়ার আস্তাবল ও ছাগলের প্যাভিলিয়নকে ভবিষ্যতে নিয়ে আসার মাধ্যমে এবং নতুন একটি গ্রিনহাউজ ও এডুকেশন সেন্টার প্রতিষ্ঠা করার মাধ্যমে শিক্ষার সুযোগ বৃদ্ধি করার মধ্য দিয়ে আমরা কৃষি শিল্পের প্রতি নতুন করে মনোযোগ আকৃষ্ট করতে সক্ষম হবো। আগামী বছর থেকে শুরু করে মেলায় গমনকারীদেরকে এসব নতুন সংযোজন দেখানোর জন্য আমরা অধীর আগ্রহ নিয়ে অপেক্ষা করছি।"

স্টেট সিনেটর জন ডব্লিউ. ম্যানিয়ন বলেন, "স্টেট ফেয়ার নিউ ইয়র্কের সবচেয়ে বড় প্রদর্শনী এবং সবচেয়ে গুরুত্বপূর্ণ উদযাপনগুলোর মধ্যে একটি। মেলা প্রাঙ্গণ ও ফ্যাসিলিটিগুলোর চলমান একাধিক পর্যায়ের উন্নয়ন দর্শনার্থীদের অভিজ্ঞতা উন্নত করবে এবং কৃষির জন্য, অর্থনীতির জন্য, এবং আমাদের ঐতিহ্যের জন্য একটি বিনিয়োগ। এই মেলার ব্যাপারে তার সহায়তার জন্য আমি গভর্নর হোকলের প্রশংসা করি এবং তার ও তার টিমের সঙ্গে প্রথম দিন সাইটে থাকতে পেরে আমি কৃতজ্ঞ।"

স্টেট সিনেটর র্যাঁ চেল মে বলেন, "গ্রেট নিউ ইয়র্ক স্টেট ফেয়ার এখানে সেন্ট্রাল নিউ ইয়র্কে আমার প্রিয় বার্ষিক ঐতিহ্যগুলোর মধ্যে একটি, এবং মেলা প্রাঙ্গণগুলোর আরো উন্নয়ন ঘটছে

দেখে আমি অনেক বেশি উচ্ছসিত। দর্শনার্থীদের অভিজ্ঞতা ও মেলার ইতিহাসের একটি অবিচ্ছেদ্য অংশ হলো কৃষি বিষয়ক কর্মসূচি, এবং খোয়াড় ও গ্রিনহাউজগুলোর উন্নয়ন স্টেটের এই সম্পদকে সম্প্রসারণ করবে। তার চমৎকার কাজের জন্য এবং এই ঘোষণায় আমাদের সঙ্গে যোগদানের জন্য গভর্নর হোকলকে ধন্যবাদ।"

স্টেট সিনেটর মাইকেল হিনচি বলেন, "গ্রেট নিউ ইয়র্ক স্টেট ফেয়ার সবচেয়ে চমৎকার হয়ে উঠে যখন কৃষি এই আয়োজনের সম্মুখভাবে ও কেন্দ্রবিন্দুতে থাকে, এবং এই দুর্দান্ত অবকাঠামোগত উন্নয়নগুলো সম্পন্ন হয়ে যাওয়ার পরে সেগুলো মেলায় গমনকারীরা যাতে নিউ ইয়র্কের কৃষির সেবা অভিজ্ঞতা নিতে পারেন সে বিষয়টি নিশ্চিত করবে। আমাদের ক্ষুদ্র কৃষি ব্যবসাসমূহ এবং সেগুলোকে সহায়তাকারী গ্রামীণ কমিউনিটিগুলোর জন্য এই মেলা একটি প্রধান অর্থনৈতিক চালিকাশক্তি, এবং এসব মূলধনী উন্নয়নের মধ্য দিয়ে তাদের কাজ এগিয়ে নেওয়ার জন্য আইনসভার সঙ্গে কাজ করার জন্য আমি গভর্নর হোকলকে ধন্যবাদ জানাই।"

অ্যাসেম্বলি সদস্য উইলিয়াম বি. ম্যাগনারেলি বলেন, "গ্রেট নিউ ইয়র্ক স্টেট ফেয়ার সেন্ট্রাল নিউ ইয়র্কের একটি গ্রীষ্মকালীন ঐতিহ্য। কৃষি ফ্যাসিলিটিগুলোতে বিনিয়োগ করাটা এই ইভেন্টের শেকড়ের গুরুত্ব ধরে রাখার একটি উপায় এবং একইসাথে এটি আধুনিক সময়ে মেলায় গমনকারীদের কাছে এটিকে সর্বাধুনিক ও আকর্ষণীয়ও করে তুলছে।"

অ্যাসেম্বলি সদস্য পামেলা জে. হান্টার বলেন, "সেন্ট্রাল নিউ ইয়র্কের বাসিন্দাদের জন্য এবং আমাদের স্টেটের প্রতিটি অঞ্চল থেকে আসা ভ্রমণকারীদের জন্য নিউ ইয়র্ক স্টেট ফেয়ার গ্রীষ্মকালের একটি আকর্ষণ হয়ে আছে। অনেকের জন্যই, এই মেলা নিউ ইয়র্কের কৃষিজ পণ্য ও সেবার বিস্তৃত সমাহারের সঙ্গে প্রথম পরিচয়ের সুযোগ। এই উল্লেখযোগ্য বিনিয়োগ নিউ ইয়র্কের কৃষি খাত আরো কী কী অফার করতে পারে তা দেখিয়ে দেবে এবং আগামী বছরগুলোতে উপস্থিত ব্যক্তিদের অভিজ্ঞতাকে সমৃদ্ধ করবে।"

অ্যাসেম্বলি সদস্য আলবার্ট এ. স্ট্রাইপ জুনিয়র বলেন, "একটি জনপ্রিয় বার্ষিক ঐতিহ্য, নিউ ইয়র্ক স্টেট ফেয়ার পর্যটকদের জন্য একটি চমৎকার আকর্ষণ যা আমাদের বৃহৎ স্টেটের সর্বত্র এবং এর বাইরের স্থানগুলো থেকে বহু ভ্রমণকারীকে আকৃষ্ট করে থাকে। বর্তমানে চলমান অবকাঠামোগত উন্নয়ন প্রকল্পগুলো নিঃসন্দেহে আমাদের অঞ্চলের কৃষি খাতগুলোর কথা তুলে ধরতে সাহায্য করবে এবং স্থানীয় ব্যবসা প্রতিষ্ঠানগুলোকে শক্তিশালী করবে। আমি ও আমার পরিবার প্রায় প্রতি বছর সেন্ট্রাল নিউ ইয়র্কের অফার করা সমস্ত কিছু উপভোগ করার জন্য স্টেটের মেলা প্রাঙ্গণগুলোতে গিয়েছি এবং এবছরেও তার ব্যতিক্রম হবে না। আমি আপনাদের সেখানে দেখতে পাবো বলে প্রত্যাশা রাখি!"

অ্যাসেম্বলি সদস্য ডনা লুপার্ডো বলেন, "আমি আনন্দিত যে আইনসভায় আমার সহকর্মীদের পাশাপাশি গভর্নর স্টেট ফেয়ারের এসব বহুল প্রয়োজনীয় উন্নয়নের ব্যাপারে সহায়তা করেছেন। এটি আমাদেরকে নিউ ইয়র্ক স্টেটের কৃষিখাতের অফার করা সব কিছু প্রদর্শন করার সুযোগ করে দেবে এবং একইসাথে পশুদের জন্য একটি উন্নত ও অধিকতর নিরাপদ পরিবেশ প্রদান করবে। নিউ ইয়র্কবাসীরা আমাদের কৃষিখাতের সুদীর্ঘ ইতিহাস, আমাদের প্রাণবন্ত খাদ্য অর্থনীতি, এবং কর্নেল বিশ্ববিদ্যালয়ে (Cornell University) পরিচালিত বিশ্বমানের গবেষণা নিয়ে গর্ব করতে পারেন।"

ওননডেগা কাউন্টির এক্সিকিউটিভ ম্যাকমাহন বলেন, "ওননডাগা কাউন্টি গ্রেট নিউ ইয়র্ক স্টেট ফেয়ারের ঠিকানা হতে পেরে গর্বিত এবং এসব সাম্প্রতিক বিনিয়োগের মধ্য দিয়ে এই মেলা আরো উন্নত হয়ে উঠবে। সমানভাবে গুরুত্বপূর্ণ ব্যাপার হলো, এসব সাম্প্রতিক উন্নয়ন নিউ ইয়র্ক স্টেটের গুরুত্বপূর্ণ ও বৈচিত্র্যপূর্ণ কৃষি অর্থনীতির উপর আলোকপাত করবে। নিউ ইয়র্ক স্টেটের মেলা প্রাঙ্গণগুলোকে প্রতি বছর আরো উন্নত করে তোলার জন্য নিউ ইয়র্ক স্টেটের অব্যাহত অঙ্গীকারাবদ্ধতার জন্য তাদেরকে ধন্যবাদ।"

সিরাকিউসের মেয়র বেন ওয়ালশ বলেন, "কৃষির প্রতি সমর্থন এবং কৃষি খাতকে উদযাপন করাটা নিউ ইয়র্ক স্টেট ফেয়ারের কেন্দ্রবিন্দুতে রয়েছে। মেলার কৃষি বিষয়ক কর্মসূচি ও আকর্ষণগুলো এই শিল্পের সেরা বিষয়গুলো সম্পর্কে জানানো ও প্রদর্শনের জন্য স্টেটের সব স্থান থেকে পরিবার ও ব্যবসা প্রতিষ্ঠানগুলোকে আকৃষ্ট করে নিয়ে আসে। মেলা প্রাঙ্গণের কৃষি ফ্যাসিলিটিগুলোতে বিনিয়োগ অব্যাহত রাখায় এবং সেগুলোর উন্নয়নের জন্য আমি গভর্নর হোকলকে এবং নিউ ইয়র্ক স্টেট ফেয়ার টিমের সবাইকে ধন্যবাদ জানাই।"

এবছরের মেলা দেশের প্রথম ও সবচেয়ে পুরোনো স্টেট মেলার ফিরে আসা নির্দেশ করেছে। দ্বিতীয় বিশ্বযুদ্ধের সময়ে মেলা বন্ধ করে সামরিক বাহিনীর ঘাঁটি হিসেবে ব্যবহৃত হওয়ার সময়ের পর থেকে এই প্রথম বারের মতো মেলা বাতিল করা হয়েছে 2020 সালে যখন মহামারীর অবস্থা সবচেয়ে খারাপ ছিল। চলমান মহামারীর কারণে 2021 সালে কিছু সীমাবদ্ধতার মধ্যে মেলা পুনরায় চালু হয়েছিল, কিন্তু এবছর, সবগুলো ভবন খুলে দেওয়া হবে এবং স্বাভাবিক সময়ের মতো আনুমানিক 10,000 প্রাণীকে প্রদর্শনী ও প্রতিযোগিতায় অংশগ্রহণের জন্য রাখা হবে।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418